



Ruth Heilmann  
Inatsisartunut ilaasortaq, Siumut

**Ruth Heilmann-ip § 37 tunngavigalugu palasinngorniarluni ilinniarnep atorunnaarsinneqarnissaa pillugu apeqquteqaataanut akissuteqaat**

11. maj 2012  
Sagsnr. 2012-065539  
Dok. Nr. 906079

Asasara Ruth Heilmann,

Palasinngorniarluni ilinniarnermut tunngatillugu apeqquteqaatinnut qujavunga, matumanilu apeqquteqaatinnut akissuteqaatit ilaatinneqarput.

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: iin@nanoq.gl  
www.nanoq.gl

***Apeqqut 1: Sunaana tunngavigalugu ilisimatusarfimmi palasit ilinniarnep unitsinneqalersoq?***

**Akissut:** Kalaallit Nunaanni ilinniagassatut neqeroorutigineqartartut ilinniagassatigut qanoq qaffasitsigisumik inissisimanersut Akileraartarnermi Atugarissaarnermilu Ataatsimiititaliarsoq sammisimavaa, tamatumunngalu atatillugu Kalaallit Nunaanni qaffasissumik ilinniakkat *"ilinniakkatigut qaffasissusiat soorlu assersuutigalugu nunani avannarlerni ilinniakkat qaffasissusaannut naleqqersuunneqartariaqarnerat"* pingaaruteqarnissaat tikkuarsimallugu. Kalaallit Nunaatsinnimi atugarissaarnitsinni qaffasinnerulersitsinissatsinnut periarfissaqassagutta tamanna pisariaqarmat. Nunatsinnimi taamaaliunngikkutta avataaniit sulisussanik tikisitsisuaannarnissamik pisariaqartitsinermik attassisuaannalersinnaagatta. Amerlassutsit pitsaassutsimik ingiaatissanngilagut. Tamanna Kalaallit-nuaanni qaffasissumik ilinniarnernut tamanut pingaaruteqarpoq, taamaattumillu ilinniartitaanikkut periusissatsinni upernaq manna ataatsimiinnermi eqqartugassatsinni ilinniartitanerit pitsaasuunissaat pingaartittariaqarparput.

Ullumikkut palasinngorniarluni ilinniarnep ukiuni pingasuni ilinniarnepuvoq, ilinniagarlu taanna nunani allani ilinniarnertut qaffasissuseqanngilaq, tassami ilinniarnermi tassani bachelorinngortut toqqaannartumik qaffasinnerusumik ilinnialersinnaanngillat, kisiannili tunngaviummik oqaatsinik ilinniartinneqarnissamik pisariaqartitsillutik.

Ullumikkut ilinniarnep taanna qallunaat palasinngorniat ilinniarnertut qaffasitsigilersinneqassappat bachelorinngorniarluni ilinniarnep ukiunik pingasunik sivissuseqartoq ukiunut sisamanut sivissuseqalersinneqartariaqarpoq, tamatumalu kingunerissavaa aningaasartuutissat ukiumut 700.000 kr.-inik qaffanneqartariaqalernerat.

Kiisalu bachelorit – ilisimatusarfimmi ilinniarsimasut – ukiup affaani pastorateologiskimik (pastoralseminarium-imi) Danmarkimi pikkorissarneqartariaqarput ilinniarnepullu kingorna Kalaallit Nunaanni utaqqiisaagallartumik palasit sulilissagunik. Tassa ulumikkut malitarsassat atuuttut tunngavigalugit Kalaallit Nunaanni palasit atorfinitsitaanissartik sioqqullugu pinngitsooratik Danmarkiliartussaammata.

Naggataatigullu oqaatigineqassaaq ullumikkut ilinniarnermik ingerlatsisut ima ikitsigaat ilinniartup ataatsip ilinniarnera akisoorujussuulluni. Naatsorsuutigineqarpoq 2012-imi pingasut naammassissasut, 2013-imi naamik, 2014-imi sisamat kiisalu 2015-imi pingasut. Tamannali pissappat maannakkut ilinniarnerminnik ingerlatsisut ilinniakkaminnik naammassinnittariaqarout.

**Apeqquq 2:** *Palasinngorniarluni ilinniarnerp Danmarkimut nuunnissaanik Naalakkersuisut pilersaaruteqarnerannut suna aalaaviuva?*

**Akissut:** Ilinniartitaanerup Danmarkimut nuunnissaa matumani pineqanngilaq, kisianni ilinniartitaanerup atorunnaarsinnissaa, tamatumalu kingunerisaanik inuit teologimik ilinniagaqarnissamik kissaateqartut Kalaallit Nunaata avataani periarfissanik atuinissaannut neqeroorfigineqassasut. Ilisimatusarfimmi ilinniagaq tassaavoq ilinniagaq annikillisagaq ikittuinnarnik ilinniartoqartoq, tassanilu naammassisut ilinniagaat nunani tamalaani ilinniakkap qafisissusaatut qaffasitsiginngilaq, kiisalu palasinik pisariaqartitsineq ilinniakkanut allanut naleqqiullugu annertugisassaannngimmat, ilinniarnerp atorunnaasinnissaa naleqqunnerpaajussasoq nalilerneqarpoq.

**Apeqquq 3:** *Teologimik ilinniarnep Kalaallit Nunaanni soqutigineqarpoq. 1997-imiilli Kalaallit Nunaanni teologimik ilinniartut 7 naammassisimapput. 1997 sioqqullugu taamaallaat teologimik ilinniartoq ataaseq Danmarkimi naammassisimavoq. Teologimi bachelorinngorniat teologimi ilinniarnerp Kalaallit Nunaaniitinnarnissaanik kissaateqarnerannut Naalakkersuisut qanoq isumaqarpat?*

**Akissuteqaat:** . Teologimi bachelorinngorniat teologimi ilinniarnerp Kalaallit Nunaaniitinnarnissaanik kisaateqarnerannut Naalakkersuisut tusarnaarput paasilluarsinnaallugulu. Kisiannili Naalakkersuisut piumasaraat Kalaallit-nunaanni ilinniarnep nunani tamalaani ilinniarnertut qaffasissuseqassasut. Taakkualu pingasunik tungaveqarput:

- Taamaaliornikkut ilinniartut Kalaallit Nunaanni suliffissanuinnaq pituttorsimasannngitsut, kisiannili nunani tamalaanut isumassarsiorinnissamut periarfissineqassasut kingusinnerusukkut Kalaallit Nunaannut iluaqutaasinnaanissaanik neriuuteqarfiusinnaasunik.
- Naalakkersuisut pingaartippaat Kalaallit Nunaanni namminerme ilinniakkat Kalaallit Nunaata avataani ilinniakkaniit appasinnerussanngitsut
- Ilinniartittut avatangiiseqarnissaq ilinniartunut iluaqutaasussaq pilersinniarlugu aammalumi inuiaqatigiinnut ilinniartittut aningaasartuutaannut naleqquttuussappat naammattumik ilinniartoqarnissaq pingaaruteqarpoq.

**Apeqquq 4:** *Apeqquq matumani Inatsisartut kiisalu ilagiit akuutinneqarnnginnerannut suna pissutaava?*

**Akissut:** Naalakkersuisut Ilinniartitaanerup Periusissamut Nassuiaataata oqallisigineqarnerani Inatsisartut akuutinneqarput (UPA 2012/34). Tamatuma saniatigut ilinniartitaanikkut periusissaq attuumassuteqartunut tusarsiuutigineqarnikuuvoq.

**Apeqquut 5:** *Palasinik kalaallisut oqaasilinnik amigaateqarnerup ajornartorsiutaanera Naalackersuisut qanoq ilillugu qaangerniarpaat?*

**Akissut:** Palasinik kalaallisut oqaasilinnik amigaateqarnerup ajornartorsiutaanera aamma aallanit ernummatigineqarpoq. Tassa Kalaallit Nunaat assingiinngitsorpassuartigut ilinniakkatigut piginnaanilinnik kalaallinik naammattumik sulisussanik pissarsinissaq ajornartorsiutigaa. Tamanna palasinuunnaq atuutinngilaq. Naalackersuisut naatsorsuutigaat ilinniartitaanikkut periusissap kingunerisaanik inuusuttut amerlanerusut ilinniarnermik aallartitsiumaartut, tamatumalu kingunerisaanik ilinniakkatigut piginnaanillit amerlanerusut sulilernissaannik kinguneqarumaartoq. Siunissami palasinngorniarluni ilinniarneq Nunatta avataani ingerlanneqartalissammat imaanngilaq palasit ilinniarnermik naammassininnermi kingornatigut Kalaallit Nunaannut angerlarunik palasit kalaallisut oqaasilittut atussanngitsut.

Inussiarnersumik inuulluaqqusilluta  
Med venlig hilsen



Palle Christiansen